

福 九 十 十一 十二

傷風 風癰 風痺 瘰節

古今醫統

古今醫統大全卷之九

傷風門

病機敘論

經云風為百病之長善行而善變又曰傷於風者上先受之又曰虛邪賊風陽先受之

傷風亦有六經傳變

陳無擇云經曰春傷於風乃四時之序也風循經絡以日傳變與傷寒無異但寒泣血故無汗惡寒風散氣故有汗惡風為不同仲景太陽經分傷寒傷風不同後人纂集不分門類但以風寒暑濕時氣瘟疫凡太陽病皆謂之傷寒今立傷風一門分別無混

傷風之證有二因

風為天地浩蕩之氣四時八風之變未嘗無也間有傷者皆因不能法道清淨腠理不密表上陽虛所致一因也有挾虛痰熱其氣拂鬱風邪易於外束二因也經曰清淨則內腠閉拒雖有大風苛毒弗之能害是也

治法

傷風表虛當固衛氣

若表虛受風專行發散之藥必致汗多亡陽若內挾痰熱而傷風者宜內外交治不可專以解表腠理疎泄不覺易感者其固衛氣兼散風邪如桂枝湯之屬是也

陳無擇分六經用藥例

足太陽膀胱經 **桂枝湯**

足陽明胃經 **查湯**

足少陽膽經 **柴胡加桂湯**

足太陰脾經 **桂枝芍藥湯**

足少陰腎經 **桂附湯**

足厥陰肝經 **金匱湯**

前方皆以桂枝湯三味加以各經藥皆是立溫解散之劑

脉候 脉經云脉浮而大者為風○權輿云浮緩為傷風鼻塞

藥方

經方治例

仲景桂枝湯 治太陽經傷風自汗

桂枝

芍藥各二錢

甘草一錢

右水二盞姜三片棗一枚煎服

桂枝湯

葛根湯

芍藥湯

桂附湯

見虛損門

辛溫解表劑

局神木散一治傷風頭痛鼻塞聲重

蒼木

藁本

白芷

細辛

羌活

川芎

甘草

炙各五分

右水盞半姜三片葱白三寸煎服

川芎茶調散 治傷風上攻頭目昏痛鼻塞聲重

薄荷葉

四兩

川芎

二兩

羌活

甘草

一兩

荊芥 二兩

白芷 二兩

防風 七錢

細辛 五錢

右為末每服二錢食後茶清調下

五神藥

和參蘇飲 治傷風感冒發熱頭痛咳嗽涕唾稠粘此藥大解肌熱

寬中快膈虛實疑似往來潮熱並皆治之

人參

紫蘓葉

乾葛

半夏 製

前胡

桔梗

枳殼

陳皮

茯苓

甘草 炙等分

木香 磨一分

右水盞半姜五片棗一枚煎七分不拘時服

消風百解散 治四時感冒傷風發熱惡寒頭痛鼻塞咳嗽聲重

蒼朮

麻黃

荊芥

白芷

陳皮

錢各一

甘草

分各五

右水盞半姜三片葱一根煎七分下拘時服

消風散

治諸風上攻頭目昏眩項背拘急鼻塞聲重皮膚搔痒

癰癤頑麻婦人血風頭痛腫痒皆治

人參

茯苓

防風

荊芥穗

甘草

羌活

羌活

白殭蚕

薄荷葉

蟬退

兩各一

厚朴

陳皮

錢各五

右為細末每服一錢茶清調下遍身痒者酒調下

簡中和散

治感冒風濕頭目不清鼻塞聲重倦怠欠伸出淚

蒼朮

四兩

荊芥

兩半

甘草

八錢

姜湯調服二錢

金沸草散 治秋令肺經受風頭目昏痛咳嗽聲重唾涕稠粘及

治時行疫氣壯熱惡風

旋覆花

去梗

麻黃

前胡

荊芥穗

各錢

半夏

製

赤芍藥

甘草

各五分

石水盞半姜三片棗一枚煎八分熱服

人參敗毒散

治傷風頭痛壯熱惡寒及風痰咳嗽鼻塞聲重如

心經蘊熱口舌乾燥加黃芩

人參

羌活

桔梗

柴胡

前胡

獨活

枳殼

川芎

茯苓

甘草 等分

水盞半姜三片薄荷少許煎

辛涼解表劑

和劑羌活散 治風邪壅滯頭目昏眩遍身拘急肢節煩痛鼻塞重

天陰愈覺不安

羌活

防風

麻黃

枳椇

菊花

細辛

川芎

蔓荊子

白茯苓

石膏

黃芩

甘草 炙

前胡 各等分

右水盞半薑三片煎

紫胡升麻湯

治感冒頭痛惡寒身痛鼻塞咳嗽涕稠粘

紫胡

前胡

升麻

桑白皮

香芍藥

乾葛

黃芩

石膏

荊芥

右水盞半姜三片淡豆豉二十粒煎七分服

詳後集

宣明防風通聖散

方見中風門

治傷風邪傳入裏內熱鬱結秘塞壅悶

錢氏大黃丸 治傷風內挾痰熱宜下之

大黃

黃芩 等分

右為末滴水丸服

破傷風門

病機

破傷風證有四因

病機云破傷風者有因卒暴傷風邪襲之傳播經絡致使寒熱更

作身體反張口暴不開甚者邪氣入臟則死矣有因諸瘡不瘥榮
衛虛不生肌肉瘡口不合風邪亦能外入為破傷風之候二者皆
外因也○有諸瘡不瘥舉世皆言着灸為上是謂熱瘡而不知火
熱客毒逐經變病不可勝言微則發熱甚則生風而搐或角弓反
張口禁目斜此不内外因也○有破傷不美而病此者因瘡着白
痴瘡口閉塞氣難通泄故陽熱鬱結熱甚生風或有瘡口十分全
痊愈而忽有此病皆由內氣虛損風熱鬱於內臟而得之者此皆
內因也

劉河間論破傷風合傷寒三法

古方以破傷風與中風混同論治故不另立門戶也惟河間分表

裏中三法與傷寒同治用藥甚詳其言病因有外傷於風有因灸火內熱所作特與中風相似也但中風之人尚可淹延歲月而破傷風犯之多致不救蓋中風有在經在府在臟之異獨入臟者最難治破傷風或始而出血過多瘡口早閉瘀血停滯俱是血受病血屬陰五臟所主故破傷風始雖在表隨即傳臟故多死也

治法

破傷風分表裏中三治

破傷風同傷寒法通治分別表裏陰陽有在表在裏有在半表半裏者在表者宜汗之在裏者宜下之在半表半裏者宜和解之不可過其治也凡瘡愈或未愈始因風邪襲入或因閉塞鬱熱生風

不已則表傳入裏氣尚平者惟善伸欠筋脉攣急惡寒或筋惕而
搯脉則浮數而弦宜以辛熱開冲鬱結如傷寒以麻黃湯發散是
也凡用辛熱發散然是寒邪佐之則凡風熱之勝亦如傷寒麻黃
桂枝加黃芩石膏知母之類是則在表之治法然也

風邪在表不已漸於裏而未深入者是謂半表半裏亦猶傷寒小
柴胡湯和解之也此中治之法然也

邪氣入裏病勢特深而舌強口禁項背反張驚惕搯溺涎唾稠粘
胃臆滿塞而或便溺閉或時汗出脉則弦大而數然汗出者風熱
鬱甚於裏而表熱少罷則腠理疎泄而心熱甚故汗出也宜以葛
黃湯之屬下之復以退風熱劑和之此治裏之法然也

脉候

脉浮而無力為太陽虛也

脉長而有力為陽明實也

脉浮而弦小者必陽也

脉洪實弦數邪入於裏也宜下之

藥方

通治破傷風劑

靈砂丹 治破傷風一切諸風

威靈仙

牽牛

取頭末

蒼朮

各五錢

何首烏

香附子

六錢

川烏

去皮尖

乳香

沒藥

各二錢

朱砂

二錢為衣

皂角

去皮弦炙黃

右為末皂角打碎用酒二升半春秋三日夏二日冬七日取汁

打糊丸每服五丸酒下

急風散 治新久諸瘡破傷中風項強背直口禁不語手足抽搐

眼目上視喉中拽鋸及取箭頭

丹砂一兩

草烏二兩半生半熟燒存性米醋淬冷

烏頭生二錢半與草烏同研末

麝香二錢另研

右為細末和勻每服五分以酒下血止痛定如

神若出箭頭先進一服次以藥敷箭頭上

玉真散 治破傷風手足打撲損傷

南星 防風各等分

右為末生姜汁同酒調服一錢

傷處以此藥敷之牙門緊急角反張重便酒調服二錢

風藥一字散

蒼朮

四兩

川烏

二兩

草烏

白芷

各一兩

防風

川芎

各五錢

天麻

細辛

各二錢半

全蝎

一錢

右為極細末金瘡皮破血出藥到即止以帛縛之○破傷風纔發用藥一錢熱酒調服被蓋出汗即愈如無汗亦効未効再一服○頭風茶調服偏頭風口含水搐鼻○傷風熱茶調一服出汗安○惡瘡無時不愈口舍水洗瘡拭乾搽之立効蛇傷犬咬

蝎蟄口含鹽水洗之敷上効○杖瘡有血乾敷之

奪命丹 治破傷風角弓反張搐搦牙緊急不省人事

川烏

草烏

天麻

各半兩

雄黃

右為末每服五分用連鬚葱二莖水一盞煎三五沸去葱入溫酒服如重車行五里煎葱湯米粥熟服有汗出覺身體微麻為妙不愈再服寶鑑方酒糊丸梧桐子大每服十五丸

如聖散 治破傷風止血定痛

蒼朮 三兩

川烏頭 炮去皮臍

草烏頭 炮各一兩

蝎稍 微炒二錢半

天麻

細辛

川芎

兩頭尖 炮去皮

白芷 各七錢

防風 一兩

雄黃 二錢半

乳香 二錢炙

右為細末每服一錢不拘時酒調服

獨聖散 治破傷風五七日未愈已至角方及張牙關緊急立効

蟬退 五錢

右為末用好酒一盞煎涼服之立効